

ոսկւով, այլեւս արարին զընթրիս մեծ ճէնէրալին, և յետ ընթրեացն թագաւորն ետ յառաջ բերել զայն չորս ուղտան ոսկւով ի տալ ճէնէրալին: Իսկ ճէնէրալն որ ի յիւր թագաւորէն արգելեալ էր առնուլ զվարձս, վասն որոյ ասէ. Զի՞ քն այդոքիկ, և չէ ինձ պիտոյ, զի ես գոհութիւն Տեառն ունիմ զբաւական եկամուտս ի տեսնէ իմմէ թագաւորէս:

Բայց առ ի ոչ տհաճեցուցանելոյ զձեզ, զերկուսն ի յղտոցս առցուք, և տացուք զօրացս և քահանայից մերոց, որք յոյժ աշխատ եղեն ի դաճնութենէ ճանապարհին: Եւ առեալ զերկուս ուղտան զայնուսիկ ոսկւով, և բաժանեաց ուրախութեամբ զօրաց և քահանայից իւրոց:

Այլեւս ի զօրաց իւրոց և ի քահանայից կամեցան մնալ ի կեօնտէր իրր հարիւր անձինք, և ճէնէրալն թոյլ ետ ի մնալ. և Սիմոն կամ Գլաւթիօ թագաւորն հապէշու յոյժ սիրով և ուրախութեամբ ընկալաւ զնոսս, և մի ժամ հեռի ի կեօնտէրէն ետ նոցա տեղի մի պատուական Պրեմոնայ կոչեցեալ, ուր կազմեցին իւրեանց տունս և բուրաստանս, և եկեղեցիս, և ամուսնացան ընդ դստերացն հապէշու, և սկսան բազմանալ: Եւ զայս տեղիս նոցա ինքն թովմաճանեան մահտեսի Յովհաննէսն անձամբ գնացեալ տեսեալ է, թէ՛ պէտ ընակութիւն ոչ զոլով այժմ աւերեալ էին: Եւ այն վերոյգրեալ լաթին քահանայն որ առ ի հովուել զեկեղեցիս նոցին մնաց ի պալատ թագաւորի, և գնացեալ առ թագաւորն Գլաւթիօ և ասէ ցնա՛ թէ ես ընդ քահանայից իմոց չեմք բաւական հովուել զբոլոր քաղաքս, այժմ որ այս ճէնէրալն որ յետս դաճնալոց է, առաքեսցուք ընդ նմա առ Բորթուկէզ թագաւորն Յովհաննէս երրորդ, նախ թուղթս շնորհակալութեան ի կողմանէ քումմէ և ի բոլոր իշխանաց և ի ժողովրդոց քոց: Այլեւս խնդրել միջնորդութեամբ Յովհաննէս թագաւորին Բորթուկիզաց ի Սրբազան Պապէն Հռոմայ զոմանս եկեղեցական արս իմաստունս, և զմի Պատրիարք առ ի հովուել զքաղաքս:

Եւ թագաւորն Գլաւթիօ արքայ՝ որդի

թագաւորին հապէշու, յոյժ հաւանեցաւ ընդ այս խորհուրդ, և ետ զբել այն մեծապատիւ Քահանային լաթիներէն առ Յովհաննէս թագաւորն և առ Պապն՝ թէ՛ վասն շնորհակալութեան և թէ՛ վասն խնդրուածոց եկեղեցական անձանց և թէ՛ վասն Պատրիարքութեան: Եւ ինքն թագաւորն Գլաւթիօս ստորագրեաց և ետ ի ձեռն այն օրհնեալ ճէնէրալին և մեծ հանդիսիւ թագաւորաւն և իշխանօք առաքեցին զճէնէրալն ընդ մնացեալ զօրաց իւրոց:

Եւ ի հասանելն ի Միւսէմպիկ քաղաք այն ճէնէրալն ընդ նաւուցն առաքեաց զնամական հապէշ թագաւորին առ Բորթուկէզ թագաւորն իւր Յովհաննէս երրորդըն: Եւ յոյժ ուրախութեամբ ընկալաւ և ապա ինքն եւս Յովհաննէս թագաւորն Բորթուկէզու զրեաց ի Հոովմ առ ԺԳ. Գրիգոր Պապն և առ սուրբն Իգնատիոս Լոյոլացի (որ ի նմին ժամանակի սկըսեալ էր նորապէս ծաղկիլ ի հիմնադրել զընկերութիւնն Յիսուսեան կարգին) զի առաքեսցէ յիւրոց հոգեւոր որդոց որպէս միսիոնար յեթովպիա ի Հապէշաստան:

Եւ հասեալ ի Հոովմ նամակն Բորթուկէզ թագաւորին և ընդ նմին նամակն հապէշ թագաւորին առ Գրիգորիոս Պապն, և հրամանաւ ծայրագոյն Քահանայպետին Գրիգորիոսի յանձնեցաւ սրբոյն Իգնատիոսի առաքել ի հապէշ զերեքտասան անձինս և եւս զրեալ զպատասխանին հապէշ թագաւորին Գլաւթիօսի:

Եւ նա յանձն առեալ պատրաստեաց զերեքտասան գիտուն անձինս, յորոց զմինն ձեռնադրեցին Պատրիարք, և զերկուսն եպիսկոպոս օգնականս և յաջորդ պատրիարգին, և զայլ տասն կրօնաւոր ճիզվիթից իմաստուն քահանայս:

Եւ սուրբն Իգնատիոս յետ պատրաստելոյ զանձինս 1555 թուին, և փետրվարի 23ին զրեաց պատասխան առ Գլաւթիօս թագաւորն հապէշից որ էր որդի Գլաւթի թագաւորին, և ետ ի ձեռս իւրոց առաքելոց կրօնաւորացն: Եւ առաքեաց զպատրիարգն և զերկուս եպիսկոպոսն,